

Namołwa němskich biskopow k Swětowej misionskej njedźeli 2020

Lube sotry a lubi bratřa,

„Zbóžni su, kiž měř a pokoj spěchuja“ (Mt 5,9). Tute Jězusowe zbóžnostawjenje je hesło měsaca swětowego misionstwa 2020. Tež w našim času je wone jara aktualne. Kak ćežko tola je, měř zaručić a spěchować!

Lětuša akcija skutka Missio da nas na zapadnu Afriku hladać. W tutym regionje běchu ludžo wšelakich nabožinow a etnijow dotho měřliwje zhromadnje žiwi. Tuchwilu pak stawa so zapadna Afrika přeco bóle z městnom nadpadow a přeńdženjow. Starosćiwje bjerjemy na wědomje, kak so tam konflikty nabožnje nabiwaja, zo bychu ludži přećiwo sebi a k namocy naškarali. Koronoweje pandemija dla su so žiwjenske wobstejnosće ludži přidatnje pohubjeńšili.

Cyrkwje w zapadnej Africe zasadźuja so z mjezynabožnym zhromadnym džětom přećiwo znjewužiwanju nabožiny. Wone pomhaja, zo so konfliktowe strony zbliža a ze sobu rěča. Hdžež so ludžo na poselstwa měra swojeje nabožiny dopominaja, móža zhromadnje konflikty rozrisać, móža so krute fronty zmjehčić a měř zaso docpěć.

„Zbóžni su, kiž měř a pokoj spěchuja.“ Wosrjedź našeho wot njeměra trapjeneho swěta kubła a powoła Bóh ludži, zo bychu pokoj přinjesli. Prosimy Was: Postajće na Swětowej misionskej njedźeli znamjo. Modlće so za naše sotry a za našich bratrow, kiž so aktiwnje za měř a wujednanja zasadźuja! Podpěrajće při zběrce přichodnu njedźelu wažne iniciatiwy skutka Missio!

Mainz, dnja 3. měřca 2020

Za Drježdžansko-Mišnjanske biskopstwo
+ Heinrich Timmerevers
Drježdžansko-Mišnjanski biskop